



中興以來絕妙詞選卷之七

宋詞

史邦卿

名達祖號梅溪有詞百餘首張功父姜堯章為序堯章稱其詞奇秀清逸有李

長吉之韻蓋能融情景於一家會句意於兩得

綺羅香 春雨

做冷欺花將煙困柳千里偷催春暮盡日冥迷愁裏
欲飛還住驚粉重蝶宿西園喜泥潤燕歸南浦最妨
它佳約風流鈿車不到杜陵路○沈江上望極還
被春潮急難尋官渡隱約遙峯和淚謝娘眉嫵臨斷

岸新綠生時是落紅帶愁流處記當日門掩梨花剪
灯深夜語臨斷岸以下數語最為姜堯章稱賞

玉樓春社前一日

遊人等得春晴也處旗亭堪繫馬雨前穠杏尚秤
停風裏殘梅無願藉○忌拈針線還逢社闌草羸多
裙欲卸明朝雙燕定歸來叮囑重簾休放下

玉樓春梨花

玉容寂寞誰為主寒食新晴愁幾許前身清淡似梅
粧遙夜依微留月住○香迷胡蝶飛時路雪在秋千
來往處黃昏着了素衣裳深閉重門聽夜雨

萬年歡春思

兩袖梅風謝橋邊岸痕猶帶陰雪過了匆灯市草
根青發燕子春愁未醒悞幾處芳音遼絕煙谿上采
綠人歸定應愁沁花骨○非干厚情易歇柰燕臺句
老難道離別小徑吹衣曾記故里風物多少驚心舊
事第一是侵階羅襪如今但柳髮晞春夜來和露梳
月

杏花天清明

軟波拖碧蒲芽短画橋外花晴柳暖今年自是清明
晚便覓芳情較懶○春衫瘦東風剪過花塢香吹

醉面歸來立馬斜陽岸隔岸歌聲一片

西江月閨思

西月澹窺樓角東風暗落簷牙一灯初見影窓紗又
是重簾不下○幽思屢隨芳草閒愁多似楊花楊花
芳草徧天涯綉被春寒夜

菩薩蠻夜景

梨花不礙東城月二明照見空欄雪二底夜香微寒
簾拜月歸○錦衾幽夢短明日南堂宴二罷小樓臺
春風來不來

臨江仙閨思

愁與西風應有約年二同赴清秋舊游簾幕記揚州
一灯人着夢雙鴈月當樓○羅帶鴛鴦塵暗澹更須
整頓風流天涯萬一見溫柔瘦應緣此瘦羞亦為郎
羞

齊天樂秋興

闌干只在鷗飛處年二怕吟秋興斷浦沈雲空山挂
雨只有詩愁千頃波聲未定望舟尾拖涼渡頭籠暝
正好登臨有人歌罷翠簾冷○悠然竟墮故里柰閑
情未了還被吹醒拜月虛簷聽蛩壞砌誰復能憐嬌
俊憂心耿二寄桐葉芳題冷楓新詠莫遣秋聲樹頭

喧夜永

齊天樂 湖上即席分韻得羽字

鴛鴦拂破蘋花影低。趁涼飛去。畫裏移舟。詩邊就
夢葉。碧雲分雨。芳游自許。過柳影間波。水花平渚。
見說西風爲人吹恨上。瑤樹。闌干斜照未滿杏墻。
應望斷春翠偷聚。淺約接香深盟。搗月誰是窓間青
羽。孤筇幾柱。問因甚參差。整成離阻。夜色空庭待婦
聽俊語。

雙燕詠燕形容尽矣

過春社了。度簾幕中間。去年塵冷。差池欲住。試入舊

巢相並。還相彫梁藻井。又軟語商量不定。飄然快拂
花梢。翠尾分開紅影。○芳徑。片泥雨潤。愛貼地爭飛。
競誇輕俊。紅樓歸晚。看足柳昏花暝。應自棲香正穩。
便忘了。天涯芳信。愁損翠黛雙蛾。日。畫欄獨凭。姜
堯章極稱其柳昏花暝之句

東風第一枝 春雪

巧冰蘭心偷黏草甲。東風欲障新暖。謾凝碧瓦。難留
信知暮寒較淺。行天入鏡。做弄出輕鬆纖軟。料故園
不捲重簾。悞了。乍來雙燕。○青未了。柳回白眼。紅欲
斷。春開素面。舊游憶着。山陰厚盟。遂妨上苑。寒炉重

暖便放慢春衫針線恐鳳鞋挑菜歸來萬一灞橋相見結句尤為美堯章拈出

東風第一枝元夕

酒館歌雲灯街舞綉笑聲喧似簫鼓太平京國多歡大酺綺羅幾處東風不動照花影一天春聚耀翠光金縷相交蕻細吹香霧○羞醉玉少年丰度懷豔雪舊家伴侶閉門明月閉心倚窓小梅索句吟情欲斷念嬌俊知人無據想袖寒珠絡藏香夜久帶愁歸去

換巢鸞鳳春情

人若梅嬌正愁橫斷塢夢繞溪橋倚風融漢粉坐月慙秦簫相思因甚到纖腰定知我今無覓可銷佳期晚謾幾度淚痕相照○人悄天渺花外語香時透郎懷抱暗握萸苗○尔嘗櫻顆猶恨侵堦芳草天念王昌忒多情換巢鸞鳳教偕老溫柔鄉醉芙蓉一帳春曉

過龍門春愁

醉月小紅樓錦瑟篋篋夜來風雨曉來收幾點落花饒柳絮同為春愁○寄信問晴鷗誰在芳洲綠波寧處有蘭舟獨對舊時携手地情思悠

瑞鶴仙 紅梅

館娃春睡起。為發粧酒煖。臉霞輕膩。水霜一生裏。厭
從來。冷澹粉腮重。洗胭脂。暗試便無限。芳穠氣味向
黃昏。竹外寒深。醉裏為誰偷倚。嬌媚春風。模樣霜
月心腸。瘦來肌軀。孤香細。吹夢到杏花底。被高樓
橫筧一聲驚斷。却對南枝。洒淚謾相思。桃葉桃根舊
家姊妹。

滿江紅 九月廿一日出京懷古

緩轡西風歎。三宿遲。行客桑梓外。鋤耰漸入柳坊
花陌。雙闕遠。騰龍鳳影。九門空鎖。鴛鴦翼更無人撼。

笛傍宮墻。苔花碧。○天相漢民離國。天厭虜臣離德。
趨建瓴一舉。再收鰲極。老子豈無經世術。詩人不預
平戎策。辦一襟風月。看升平。吟春色。

名田號西山建陽之文士

卓稼翁

好事近 三衢買舟

奏賦謁金門。行盡雲山無數。尚有江天一半。買扁舟
東去。○波神眼底。識英雄。閣住半空雨。喚起一帆風。
力去青天尺五。

昭君怨 送人赴上庠

千里功名岐路幾緲英雄草屨八座與三台箇中○
壯士寸心如鐵有淚不霑離別劍未斬樓蘭莫空還

品令新秋

立秋十日早露出新涼面斜風急雨戰退炎光一半
月上紗窓疑是廣寒宮殿○無端宋玉撩亂生悲怨
一年好處都被秋光占斷你且思量今夜怎生消遣

崔正子

名與之自號菊坡
屢以右相召不起

水調歌頭

萬里雲間戍立馬劍門閉亂山極目無際直北是長

安入苦百年塗炭鬼哭三邊鋒鏑天道久應還手寫
留屯奏烟二寸心丹○對青灯搔白髮漏聲殘老來
勲業未就妨却一身閑梅嶺綠陰青子蒲澗清泉白
石怪我舊盟寒烽火平安夜歸夢到家山

魏華父

名了翁臨邛人號鶴山先生慶元己未
黃甲第三名晚與真西山齊名有詞附

鶴山集皆壽詞之得躰者

水調歌頭范靖州生日

猶記端門外鞭袖五更寒一聲天上鍾拆金鎖掣重
關君向紫宸上閣我侍玉皇香案都號舍人班夢竟

帝鄉遠相對兩蒼顏○玉圍腰金繫肘繡籠鞍鄉人
袞^二嚴近五馬度荆山收拾五湖氣度卷束蟠曾兵
甲春意滿人間天錫公純嘏氣象自平寬

水調歌頭孫靖州生日

九十九峰下百二十年州西風吹起客夢月滿驛南
樓影入天河左界辰在壽星向上還是去年秋要和
木蘭曲載酒壽君侯○天邊信雲外步去難留壽觴
庭院依舊已帶別離愁離合鍾情未免富貴閑人何
事浪白世間頭將相時來作身健百無憂

鷓鴣天范靖州十月廿一日生日

誰把璿璣運化工參旗又挂玉梅東^二律琯聲餘
亥九^二玄經卦起中○新歲月舊游從一觴還似去
年冬人間事會無終極分付翹閑老令公郭令公以
武舉出身應翹閑負米科

菩薩蠻靖倅江填生日

東窓五老峯前月南窓九疊坡前雪推出侍郎山着
君窓戶間○離騷鄉裏住恰記庚寅度挹取芷蘭芳
酌君千歲觴

劉潛夫

名克莊莆田人號後村先生負一代盛
名詩文甚高有後村別調一卷 淳祐

辛丑八月御筆劉某文名久著史學尤精可特
賜同進士出身

六州歌頭 牡丹

維摩病起兀坐等枯株
清晨裏誰來問是文殊
遣名姝奪盡羣芳色
浴才出醒初解
千萬態嬌無力
困相扶
絕代佳人
不入金張室
却訪吾廬
對茶鐺
禪榻笑殺此翁癯
瑤砌金壺始消渠
○憶承平日
繁華事修成譜寫成圖
竒絕甚歐公記
蔡公書
古來無一自京華
隔問姚魏竟何如
多應是綵雲散劫灰餘
野鹿銜將花去
空回首河洛丘墟
謾傷春吊古
夢遶漢唐都

歌罷歎歔

水調歌頭

和西外判宗湖樓韻

君看郭西景
渾不減孤山
飛樓突兀百尺輪奐
俊前觀絕唱
新詞寡和
墮淚舊碑無恙
往事付驚瀾
不見遼鶴返
惟對水鷗閑
○又何必珠翠盛
管絃懽唾壺塵尾瀟洒
領客上高寒
丞相功存宗廟
祭酒義兼家國
世事尚相閑
風月寓意耳
莫作晉人看

沁園春

夢方孚若

何處相逢
登寶釵樓
訪銅雀臺
喚厨人斫就東溟鯨
鱸圍人呈罷
西極龍媒
天下英雄使君與操
餘子誰

言選卷七
堪共酒盃車千乘載燕南代北劍客奇材○飲酣鼻
息如雷誰信被晨雞催喚回嘆年光過盡功名未立
書生老去機會方來使李將軍遇高皇帝萬戶侯何
足道哉推衣起但悽涼感舊慷慨生哀

沁園春 送包尉

我羨君歸一路秋風芙蓉木犀想慈顏望久靈烏乍
噪新眉画就郎馬頻嘶忙脫征衫快呼斗酒細與家
人說建谿情知道這中年懷抱生怕分携○丈夫南
北東西應笑殺離筵粉淚啼悵佳人來未碧雲冉冉
王孫去後芳草萋萋 明日相思山重水複古道人稀

茅店雞元龍老有高樓百尺誰共登梯

沁園春 寄鍾賢良

我夢見君帶飛霞冠着宮錦袍與牧之高會齊山風
月謫仙同載采石雲濤萬卷星羅千篇電掃不學窮
兒賦楚騷掀髯處有魚龍起舞狐兔悲嗥○英雄埋
沒蓬蒿暗摸索當年劉與曹嘆事機易失功名難偶
誅茅西崦種秫東臯柵有雞豚庭無羔鴈不是先生
索價高人間窄待相期海上共摘蟠桃

沁園春 贈孫季蕃

歲莫天寒一見飄然幅巾布裘僂侵雲鳥道躋攀絕

頂拍天鯨浸笑傲中流疇昔期君紫髯鐵面生子當
如孫仲謀誰知道到中年猶未建節封侯○南來萬
里何求因感慨喬公成遠遊悵名姬駿馬都如昨夢
隻雞斗酒難到新立天地無情功名有數千古英雄
只麼休平生客獨羊曇一箇淚洒西州

沁園春 寄九華葉賢良

一卷陰符二石硬弓百斤宝刀更玉花驄噴鳴鞭電
抹烏絲欄展醉墨龍跳牛角書生虬鬚豪客談笑皆
從折簡招依稀記曾請纓係粵草檄征遼○當年目
視雲霄誰信道淒涼今折腰悵燕然未勒南歸草

長安不見北望迢二老去曾中有些磊塊歌罷猶酒
着酒澆休二也但帽邊鬢減鏡裏顏凋

摸魚兒 賞海棠

甚春來冷煙淒雨朝二遲了芳信驀然作暖晴三日
又覓萬殊嬌困天恁忍潘令老不成也沒看花分才
情減盡悵玉局飛仙石湖絕筆孤負這風韻○傾城
色懊惱佳入薄命墻頭岑寂誰問東風日暮無聊賴
吹得胭脂成粉君細認花共酒古來二事天猶吝年
光去迅謾綠葉成陰蒼苔滿地做取異時悵

摸魚兒 感歎

恠新來倚樓看鏡清狂渾不如舊莫雲千里傷心色
那更亂蟬踈柳凝望久愴故國百年漢闕誰回首功
名大謬歎采藥名山讀書精舍此計何時就○封侯
事久矣輸人妙手扁舟聊作漁叟高冠長劍都閑物
世上切身惟酒千載後君試看拔山扛鼎俱烏有英
雄骨朽問頽曲周郎而今還解來聽小詞否

念奴嬌菊花

老夫白首尚鬼嬉廢圃一番料理飡飲落英并墜露
重把離騷拈起冷艷幽香輕黃淡白占斷西風裊飛
來雙蝶遶叢欲去還止○嘗試銓次羣芳梅花差可

伯仲之間耳佛說諸天金色界未必莊嚴如此尚友
靈均定交元亮結好天隨子籬邊坡下一杯聊泛霜
藥

賀新郎鬱孤臺

絕頂規危榭跨高寒鳥飛不過雲生其下斤斲無聲
人按堵翕忽青紅變化覽城郭山川如画閣老鳳樓
修造手笑談間突出凌雲厦臺上景買無價○唾壺
塵尾登臨暇似當年文章太守歐陽公也傾倒贛江
供硯滴判断雪天月夜更喚取鄒枚司馬銅雀凌歊
歌舞罷訪殘磚斷甃無存者餘翰墨被風雅

賀新郎 春景

動地東風起。画橋西、繞溪桑柘。漫山桃李，寂_二墻陰、蒼苔路。猶印前回履齒。驚歲月、飈馳雲駛。太息攀翻長亭樹。是先生、手種。今如此。君不樂、欲何俟。○傍人錯會淵明意。笑斯翁、皇_二汲_二登山臨水。佳處徑呼籃輿去。彷彿柴桑栗里。從我者、門生兒子。嘗試平章先賢傳。屈原醒不似、劉伶醉。判茗芋、卧花底。

賀新郎 芍藥

一夢揚州事。画堂深、金瓶萬朶。元戎高會。座上祥雲層_二起。不減洛中姚魏。歎別後、關山迢遞。國色天香

何處在。想東風、猶憶狂書。記驚歲月。一彈指。○數枝清曉。煩馳騎。向小窓、依稀重見。燕城佳釀。料得花憐儂消瘦。儂亦憐花。顚顚謾、悵望竹西歌吹。老矣應無騎鶴日。但春衫、點_二當時淚。那更有、舊情味。

賀新郎 送陳子華赴真州

北望神州路。試平章、這場公案。向誰分付。記得太行兵百萬。曾入宗爺駕御。今把作、握蛇騎虎。君去東京。豪傑喜看投戈下。拜真吾父。談笑裏、定齊魯。○兩淮蕭索。惟狐兔。問當年、祖生去後。有人來否。多少新亭揮淚客。不夢中原塊土。這事業、須由人做。堪笑書生

詞選卷七
心膽怯向車中閉置如新嬾空目送塞鴻去

○賀新郎 端午

深院榴花吐。画簾開絲衣紈扇。午風清暑兒女紛
新結束時樣釵符艾虎。早已有游人觀渡。老大逢場
慵作戲。任白頭年少爭旗鼓。溪雨急。浪花舞。○靈均
標致高如許。憶生平既紉蘭佩。又懷椒糈。誰信騷蒐
千載後。波底垂涎角黍。又說是蛟饑龍怒。把似而今
醒到了。料當年醉死差無苦。聊一笑。吊千古。

賀新郎 九日

湛湛長空黑。更那堪斜風細雨。亂山如織。老眼平生

空四海。賴有高樓百尺。看浩蕩千崖秋色。白髮書生
神州淚。休淒涼不向牛山滴。追往事去無迹。○少時
自負凌雲筆。到如今春華落尺滿懷。蕭瑟常恨世人
新意少。愛說南朝狂客。把破帽年年拈出。若對黃花
孤負。酒怕黃花也笑人。岑寂鴻北去。日西匿。

賀新郎 遊水東周家花園

溪上收殘雨。倚危欄薄綿乍脫。日陰亭午。鬧市不知
春色處。散在荒園廢墅。漸小白長紅無數。客子雖非
河陽令也。隨綠暫作鶯花主。那可負。甕中醕。○碧雲
四合千岩暮。恨匆匆。余方有事。子姑歸去。趁取羣芳

未搖落暇日提魚就煮歎激電光陰如許回首明年
何處在問桃花尚記劉郎否公莫笑醉中語

賀新郎郡會聞妓歌有感

妾出於微賤少年時朱絃彈絕玉笙吹遍粗識詩家
閑睂亂羞學流鶯百轉摠不涉閨情春怨誰向西鄰
公子說要珠鞍迎入梨花院身未動意先懶○主家
十二樓連苑那人二靚粧按曲綉簾初捲道是画堂
簫管唱笑殺街坊拍袞迴首望侯門天遠我有平生
離鴛操頗哀而不愠微而婉聊一奏更三歎

生查子上元戲陳敬叟

繁灯奪霽華戲鼓催明發風物昔時同况味中年別
○淺画鏡中眉深拜樓西月人散市聲收漸入愁時
節

臨江仙種海棠作

落魄長官江海客少豪萬里尋春而今憔悴向溪濱
斷無觴詠興惟有簿書塵○手接海棠三百本等閑
粧點芳辰它年絳雪映紅雲丁宓風與月記取種花
人

滿江紅送王實之

天壤王郎數人物方今第一談笑裏風霆驚座雲煙

生筆落三元龍湖海氣琅二董相天人策問如何十
載尚青衫諸俠客○易愛底些官職難保底些名節
擬閉門投轄劇談三日疇昔評君天下宝當為天下
蒼生惜向臨分慷慨出商聲摧金石

滿江紅 飲海棠花下

老子年來頗自許心腸鐵石尚一點消磨未及愛花
成癖懊惱每嫌寒勒住丁寔莫被晴烘拆柰暄風烈
日太無情如何得○張画燭頻二惜憑素手輕二摘
更一番雨過彩雲無跡今日不來花下飲明朝空向
枝頭覓對殘紅滿院杜鵑啼添愁寂

滿江紅 范尉梅谷

赤日黃埃夢不到清溪翠麓空健羨君家別墅幾株
幽獨骨冷肌清偏要月天寒日暮尤宜竹想主人杖
屨日千回山南北○寧委澗嫌金屋寧映水羞銀燭
歎出塵風韻昔時粧束競愛東鄰姬傳粉誰怜空谷
人如玉笑林逋何遜謾為詩無人讀

滿江紅 夜雨涼甚忽動從戎之興

金甲瑤戈記當日轅門初立磨盾鼻一揮千帟龍蛇
猶濕鐵馬曉嘶營壁冷樓船夜渡風濤急有誰憐緩
臂故將軍無功級○平戎策從軍什零落盡慵收拾

把茶經香傳時。溫習生怕客談榆塞事。且教兒誦
花間集。歎臣之壯也。不如人。今何及。

卜筭子 手植海棠盛開風雨作崇輒作小詞二首

盡是手成持。合得天饒借。風雨於花有甚讐。作意相
陵藉。○做暖逼教開。做冷催教謝。不負明年花下人。
只負栽花者。

卜筭子

片。蝶衣輕點。猩紅小。人道東君不惜花。百種千
般巧。○朝見樹頭繁。莫見枝頭少。人道東君果惜花。
雨打風吹了。

昭君怨 牡丹

曾看洛陽舊譜。只許姚黃獨步。若比廣陵花。太虧它。
○舊日玉侯園圃。今日荆榛孤兔。君莫說中州。怕花

愁

昭君怨 瓊花

后土祠中標韻。天上人間一本道。號玉真妃。字瓊姬。
○我與花曾半面。流落天涯相見。莫把玉簫吹。怕驚
飛

清平樂 別意

休彈別鶴。淚與絃俱落。歡事中年如水薄。懷抱那堪

劉潛夫

詞是夫

三

作惡○昨宵月露高樓今朝烟雨孤舟除是無身方
了有身長有閑愁

清平樂

五月十五夜翫月

纖雲掃跡萬頃玻璃色醉跨玉虹游八極歷三天青
海碧○水晶宮殿飄香羣仙方按霓裳消得幾多風
露變教人世清涼

清平樂

風高浪快萬里騎鯨背曾識嫦娥真體態素面元無
粉黛○身游銀闕珠宮俯看積氣濛濛醉裏偶搖桂
樹人間喚作涼風

清平樂

此項在維揚陳師文參議家舞姬絕妙賦

宮腰束素只怕能輕舉好築避風臺護取莫遣鶯鴻
飛去○一團雪玉溫柔笑顰俱有風流貪與蕭郎眉
語不知舞錯伊州

玉樓春

戲呈林節推鄉兄并下一首

年二躍馬長安市客裏似家二似寄青錢換酒日無
何紅燭呼盧宵不寐○易挑錦婦機中字難得玉人
心下事男兒西北有神州莫滴水西橋畔淚

菩薩蠻

小鬟解事高烧燭羣花圍繞樗蒲局道是五陵兒風

騷滿肚皮○玉鞭○玉馬戲走章臺下笑殺灞陵翁
騎驢風雪中

憶秦娥感舊

春醒薄。夢中毬馬豪如昨。月明橫笛曉寒吹
角。○古來成敗難描摸。而今却悔當初錯。當初錯。鐵
衣猶在。不堪重着。

憶秦娥

梅謝了。塞垣凍解鴻歸早。鴻歸早。憑伊問訊。大梁遺
老。○浙河西面邊聲悄。汴河南北炊烟少。炊烟少。宣
和宮殿。冷烟衰草。

憶秦娥

遊人絕。綠陰滿野芳菲歇。芳菲歇。養蚕天氣。采茶時
節。○枝頭杜宇啼成血。陌頭楊柳吹成雪。吹成雪。淡
烟微雨。江南三月。

長相思惜梅

寒相催。暖相催。了。了。開時催。謝時了。寧花放遲。○角
聲吹。笛聲吹。了。了。南枝吹。北枝明。朝成雪。飛。

長相思餞別

風蕭蕭。雨蕭蕭。相送津亭折柳條。春愁不自聊。○烟
迢迢。水迢迢。準擬江邊駐画桡。舟人頻報潮。

浪淘沙 旅况

紙帳素屏遮。全似僧家無端。霜月闌窓紗。喚起玉關
征戍夢。幾疊寒笳。○歲晚客天涯。鬢髮蒼華。今年衰
似去年些。詩酒近來都減價。孤負梅花。

一剪梅 中秋解宜春郡印

陌上行人恠府公。還是文窮。還是詩窮。下車上馬太
匆匆。來是春風去是秋風。○階街免得管兵農。嬉到
昏鐘。睡到齊鐘。不須提岳與知宮。喚作溪翁。喚作山
翁。

踏莎行 甲午重九牛山作

日月跳丸。光陰脫兔。登臨不用深懷古。向來吹帽插
花人。盡隨殘照。西風去。○老矣征衫飄然客路。炊烟
三兩人家住。欲携斗酒答秋光。山深無覓黃花處。

名褒武夷人一字春卿

劉伯寵

水龍吟 桂林元夕呈帥座

東風初毅池波輕陰未放游絲墮。新春歌管豐年笑
語六街灯火。綉轂彫鞍。飛塵卷霧。水流雲過。恍揚州
十里三生夢。覓捲朱箔映青瑣。○金猊戲掣星橋鎖
博山香烟濃百和使君行樂絳紗萬炬雪梅千朵。謁

鼓喧空鷗絃沸曉櫻梢微破想明年更好傳柑宴罷
醉扶狨座

雨中花慢 春日旅况

縹帶緗枝玉葉翡翠百梢爭趁春忙正雨後蜂粘落
絮燕撲晴香遺策誰家蕩子唾花何處新粧想流紅
有恨拾翠無心往事淒涼○春愁如海客思翻空帶
圍只看東陽更那堪玉笙度曲翠羽傳觴紅淚不勝
閨怨白雲應老他鄉夢回羈枕風驚庭樹月在西廂
滿庭芳 留別
柳裊金絲梨鋪香雪一年春事方中燭前一見花艷

竟羞紅枕臂香痕未落舟橫岸作計匆匆明朝去暮
天平水雙槳碧雲東○隔離歌一闕琵琶聲斷燕子
樓空歎陽臺夢杳行雨無蹤後會芙蓉未老從今去
日望歸鴻愁如織斷腸啼鴉饒舌訴東風

六州歌頭 上廣西張帥

憑深負阻蠡午肆奔騰龍江上妖氛漲鯨海外白波
驚羽檄交飛急玉帳靜金韜閱恢遠馭振長纓密分
兵細草黃沙渺○西閔路風裊高旌聽飛霜令肅堅
壁夜無聲鼓角何神地中鳴○看追風騎攢雲掣雷
野轂激天鉦飛箭集旄頭墜長圍掩郭東傾振旅觀

旋凱笳鼓競綉旗明刀換犢戈藏革士休營黃色赤
雲交映論功何止蔡州平想環城蒼玉深刻入青冥
永詔來今

水調歌頭 中秋

天淡四垂幕雲細不成衣西風掃盡纖翳涼我鬢邊
絲破匣菱花飛動跨海清光無際草露滴明璣杯到
莫停手何用問來期○坐虛堂措病眼淚流輝雲山
應有幽恨瑤瑟掩金徽河漢無聲自轉玉兔有情亦
老世事巧相違一寫謫仙怨雙淚滿君頤
中興以來絕妙詞選卷之七

唐宋諸賢絕妙詞選卷之八

宋詞

魯逸仲

詞意婉麗俚万俟雅言

南浦 旅懷

風悲画角聽單于三弄落譙門投宿駁二征騎飛雪
滿孤村酒市漸閑燈火正敲窓亂葉舞紛二送數聲
驚鴈下離烟水嘹啖度寒雲○好在半隴溪月到如
今無處不銷魂故國梅花歸夢愁損綠羅裙為問暗
香開艷也相思萬點付啼痕筭翠屏應是兩眉餘恨

倚黃昏

水龍吟 梅花

歲窮風雪飄零望迷萬里雲垂凍紅綃碎剪凝酥繁
綴煙深霜重踈影沈波暗香和月橫斜浮動悵別來
欲把芳菲寄遠還羌管吹三弄○寂寞玉人睡起澹
殘粧不勝嬌鳳盈○山館紛○江路相思誰共才與
風流賦稱清艷多情唯宋筭襄王枉被梨花瘦損又
成春夢

惜餘春慢

情景

弄月餘花團風輕絮露濕池塘春草鶯○戀友燕○

鬢消得艷陽天氣障泥步錦尋芳路稱來往縱橫珠
翠笑携手旗亭問酒更酬春思○還記東山樂事向
歌雪香中伴春沈醉粉袖帶人彩筆題詩陶寫老來
風味夜深銀燭明如晝待歸去看承花睡夢雲散屏
山半熏沈水

漢宮春

鄭賀守席上懷舊

日軟風柔望煖紅連島晴綠平川尋芳拾藥勝伴陌
上鮮妍玉驄歸路記青門曾墮吟鞭人去後庭花弄
影一簾香月娟娟○追念舊遊何在歎佳期虛度錦
瑟華年博山夜來煖冷誰換沈烟屏幃半掩柰夢雲

不到愁邊春易老相思無據閑情分付魚牋

水龍吟 丙子立春懷內

三山臆雪才消夜來誰轉回寅斗試燈簾幕送寒幡
勝暗香携手少日歡娛舊遊零落異鄉歌酒到而今
生怕春來大早空贏得兩眉皺○春到蘭湖少住肯
殷勤訪梅尋柳相思入遠帶圍寬減粉痕消瘦雙燕
無憑尺書難表甚時回首想盡欄倚遍東風閑負却
桃花呪

水龍吟 庚寅寄遠

老來慣與春相識長記傷春如故去年今日舊愁新

恨送將風絮粉淚羞紅黛眉顰翠推愁不去任瑣
深閉屏山半掩還別有愁來路○回首画橋烟水念
故人匆匆何處客情懷遠雲迷北樹草連南浦離合
悲歡去留遲速問春無語笑劉郎不道無桃可種苦
留春住

水龍吟 丙戌清明和章質夫韻

弄晴臺館收煙候時有燕泥香墜宿醒未解單衣初
試騰騰春思前度桃花去年入面重門深閉記彩鸞
別後青驄歸去長亭路芳塵起○十二屏山遍倚任
蒼苔點紅如綴黃昏入靜煖香吹月一簾花碎芳意

詞選卷八
三
婆娑綠陰風雨畫橋煙水笑多情司馬留春無計濕
青衫淚

慶春澤 丙子元夕

燈火烘春樓臺浸月良宵一刻千金錦步承蓮彩雲
簇仗難尋蓬壺影動星毬轉映兩行寶珥瑤簪恣嬉
遊玉漏聲催未歇芳心○笙歌十里誇張地記年時
行樂憔悴而今客裏情懷伴人閑笑閑吟小桃未靜
劉郎老把相思細寫瑤琴怕歸來紅紫欺風三徑成
陰

蝶戀花 丁丑七夕

誰送涼蟾消夜暑河漢迢迢牛女何曾渡乞得巧來
無用處世間枉費閑針縷○人在江南煙水路頭白
鴛鴦不道分飛苦信遠翻嗔烏鵲誤屏山暗鎖巫陽
雨

小重山 吊方檢詳

思君夢裏說邯鄲未成歡已炊殘斷送春歸風雨霎
時間空有生前醫國手醫不到子孫寒○欲登詩境
平方千倩誰看北邙山落落晨星不見暮雲還莫在
人間尋食客尋見後匹如閑

柳梢青 七夕

劉叔安

詞選卷八

乾鵲收聲濕螢度影庭院秋香步月移陰梳雲約翠
人在回廊○醺醺宿酒殘粧待付與溫柔醉鄉卻扇
藏嬌牽衣索笑今夜差涼

柳梢青

戲簡高菊澗

瞥眼光陰章臺舊路楊柳春深尚憶風流帶人倚玉
替客揮金○高陽醉後分襟想妬雨嗔雲到今消息
真時笑啼難處方表人心

臨江仙

代閨怨

蕩紫飄紅芳信斷都無人問穠纖吟鞭倚醉問涼蟾
香消金縷篆塵壓寶粧奩○夢峽朝雲飛不到一春

離緒厭厭却疑歸燕礙重簾心期花底誤眉恨柳邊
添

浣溪沙

丁亥餞元宵

簾幕收燈斷續紅歌臺人散彩雲空夜寒歸路噤魚
龍○宿醉未消花市月芳心已逐柳塘風丁寔鸞燕
莫匆匆

清平樂

趙園避暑

柳陰庭院簾約風前燕着雨荷花紅半斂消得盈盈
綠扇○竹光野色生寒玉纖雪藕冰盤長記酒醒人
靜暗香吹月闌干

賀新郎 題王守西湖書院

雲淡天垂野望晴郊疎煙半捲斷虹低跨老樹連陰
藏遠景十里湖光照夜看不盡真山圖畫春滿軒窓
無着處更銀蟾冷浸鴛鴦瓦人共境轉幽雅○文章
太守歸來也似當年和靖風流小孤山下問訊佩蘭
餐菊友曾約梅兄入社待付與竹臞陶寫塵外閑尋
行樂地任傍人歌舞喧臺榭詩世界有王謝

江神子 三月晦日西湖餞春

送春曾到百花洲夕陽收暮雲留想伴花神騎鶴上
揚州回首湖山情味淡重把酒更登樓○相思南浦
古津頭未拏舟已驚鷗柳外啼鴉點點是離愁空倚
陽關三疊曲歌不盡水東流

念奴嬌 茉莉

調冰弄雪想花神清夢徘徊南土一夏天香收不起
付與藥仙無語秀入精神涼生肌骨銷盡人間暑稼
軒愁絕惜花還勝兒女○長記歌酒闌珊開時向晚
笑浥金莖露月浸闌干天似水誰伴秋娘窓戶因帶
雲鬟醉歌風帽總是牽情處返魂何在玉川風味如
許

阮郎歸

詞選卷八
寒陰漠漠^二夜來霜階庭風葉黃歸鴉數點帶斜陽誰
家砧杵忙○燈弄幌月侵廊熏籠添寶香小屏低枕
怯更長和雲入醉鄉

阮郎歸丹桂

金莖浥露未成霜西風只舊涼藥仙何事換霞粧惱
人秋思長○香世界錦文章花神不覆藏小山騷客
政清狂同花入醉鄉

玉樓春東山探梅

冷^二水向橋東去漠^二雲歸溪上住疎風淡月有來
時流水行雲無覓處○佳人獨立相思苦薄袖欺寒

脩竹暮白頭空負雪邊春着意問春^二不語

行香子贈柳兒行

露葉煙條天與多嬌筭風流張緒難消惱入春思政
自無聊柰斂愁眉酣醉眼減圍腰○風絮招要蝶弄
鶯嘲最關情是短長橋解驂分袂催上蘭橈更綠波
平紅日墜碧雲遙

施乘之

楓溪

清平樂元夕

風消雲縷一碧無今古欲壞上元天不許晴了晚來

施乘之

同是

七

些兩○莫言冷落山家山翁本厭繁華試問蓮灯千
炬何如月上梅花

戴式之

名復古號石屏天台詩人

滿江紅 赤壁懷古

赤壁磯頭一番過一番懷古想當時周郎年少氣吞
區宇萬騎臨江貔虎噪千艘烈炬魚龍怒卷長波一
鼓困曹瞞今如許○江上渡江邊路形勝地興亡處
覽遺蹤勝讀史書言語幾度東風吹世換千年往事
隨潮去問道旁楊柳為誰春搖金縷

沁園春 自述

一曲狂歌有百餘言說盡平生費十年灯火讀書讀
史四方奔走求利求名蹭蹬歸來閉門獨坐贏得窮
吟詩句清夫詩者皆吾儂平日愁嘆之聲○空餘豪
氣崢嶸安得良田二頃耕向臨邛條器可憐司馬成
都賣卜誰識君平分則宜然吾何敢怨螻蟻逍遙戴
粒行開懷抱有青梅薦酒綠樹啼鶯

賀新郎 豐真州建江淮偉觀樓

百尺連雲起試登臨江山人物一時俱偉旁挹金陵
龍虎勢京峴諸峰對峙隱二接揚州歌吹雪浪舞從

三峽下乍逢迎海若談秋水形勝地有如此○使君
一世經綸志把風斤月斧來此等閑遊戲見說樓成
無多日大手一何容易笑天下紛二血指醞釀春風
與和氣舉長江變作香醪美人共樂醉桃李

賀新郎 寄豐宅之

憶把金罍酒歎別來光陰荏苒江湖宿留世事不堪
頻著眼贏得兩眉長皺但東望故人翹首木落山空
天遠大送飛鴻北去傷懷久天下事公知否○錢塘
風月西湖柳渡江來百年機會從前未有喚起東山
丘壑夢莫惜風霜老手要整頓封疆如舊早晚樞庭

開幕府是英雄盡為公奔走看金印大如斗

賀新郎 兄弟爭塗田而訟歌此詞主和議

蝸角爭多少是英雄割據乾坤到頭休了一片泥塗
荒草地盡是魚龍故道新堤上風濤難保滄海桑田
何時變怕桑田未變人先老休為此生煩惱○訟庭
不許頻二到這官坊翻來覆去有何分曉無諍人中
為第一長訟元非吉兆但有恨平章不早樽酒喚回
和氣在看從來兄弟依然好把前事付一笑

木蘭花慢

鶯啼二不盡憑燕語二難通這一點芳心十年不斷

詞選卷八
九
惱亂東風重來故人何處但依前流水小橋東記得
同題粉壁而今壁破無蹤○蘭皋空漲綠溶二流恨
落花紅念着破春衫當時送別灯下裁縫相思謾令
自苦嘆雲煙過眼摠成空落日楚天無際凭欄目送
歸鴻

水調歌頭題李季允侍郎鄂州吞雲樓

輪奐半天上勝槩壓南樓籌邊獨坐豈欲登覽快雙
眸浪說曾吞雲夢直把氣吞殘虜西北望神州百載
好機會人事恨悠二○騎黃鶴賦鸚鵡謾風流岳王
祠畔楊柳煙鎖古今愁整頓乾坤手段指授英雄方
略雅志若爲酬杯酒不在手雙鬢恐驚秋

滿庭芳楚州上巳萬柳池應監丞飲客

三月春光羣賢勝踐山陰何似山陽鵝池墨妙曲水
記流觴自許風流丘壑何人共擊楫長江新亭上山
河有異舉目恨堂二○使君經世志十年邊上兩鬢
風霜問池邊楊柳因甚淒涼萬樹重新種了株二在
桃李花傍仍須待賸栽蘭芷爲國洗河湟

滿庭芳元夕上邵武王守子文

草木生春樓臺不夜團二月上雲霄太平官府民物
共逍遙指點江梅一笑幾番負雨秀風嬌今年好花

邊把酒歌舞醉元宵○風流賢太守青雲志氣玉樹
羊標是神仙班裏舊日王喬出奉版輿行樂金蓮照
十里笙簫收灯後看二丹詔催入聖明朝

清平樂興國軍呈李司直

今朝欲去忽有留人處說與江頭楊柳樹繫我扁舟
且住○十分酒興詩腸難禁冷落秋光借取春風一
笑狂夫到老猶狂

盧申之

名祖臯號蒲江樓攻媿先生之甥趙紫
芝翁靈舒諸賢之詩友樂章甚工字
可入律呂浙人皆唱之有蒲江詞彙行于世

賀新郎彭傳師於吳江三高堂之前作釣雪亭

蓋擅漁人之窟宅以供詩境也趙子野約余賦之

挽住風前柳問鴟夷當日扁舟近曾來否月落潮生
無限事零亂茶煙未久謾留得蓴鱸依舊可是功名
從來誤撫荒祠誰繼風流後今古恨一搔首○江涵
鴈影梅花瘦四無塵雪飛風起夜窓如畫萬里乾坤
清絕處付與漁翁釣叟又恰是題詩時候猛拍闌干
呼鷗鷺道他幸我亦垂綸手飛過我共樽酒

賀新郎姑蘇臺觀雪

十頃涵空碧畫圖中崢嶸幻玉亂零吹壁倚遍危欄

吟不盡把酒風前岸幘記當日西湖為客誰剪吳松
江上水笑乾坤奇事成兒劇還照我夜窓白○崇臺
目斷清無極引枝筇瓊瑤步軟印登臨屐娃館娉婷
知何在淡粉愁濃恨積故作飛花狼籍舊事悠
渾莫問有玉蟾醉裏曾相識聊伴我夜吹笛

宴清都 初春

春訊飛瓊管風日薄度墻啼鳥聲亂江城次第笙歌
翠合綺羅香煖溶二澗綠冰泮醉夢裏年華暗換料
黛眉重鎖隋堤芳心還動梁苑○新來鴈闊雲音
分鑑影無計重見啼春細雨籠愁澹月恁時庭院

膠未語先斷筭猶有凭高望眼更那堪芳草連天
梅弄晚

魚遊春水 離愁

離愁禁不去好夢別來無覓處風翻征袂觸目年芳
如許軟紅塵裏鳴鞭鞚拾翠叢中勾伴侶都負歲時
暗闋情緒○昨夜山陰杜宇似把歸期驚倦旅遙知
樓倚東風凝顰暗數寶香拂二遺鴛錦心事悠二尋
燕語芳草暮寒亂花微雨

倦尋芳 春思

香泥壘燕密葉巢鶯春暗寒淺花徑風柔着地舞裊

詞選卷八
紅軟鬪草煙欺羅袂薄秋千影落春遊倦醉歸來記
寶帳歌慵錦屏香煖○別來悵光陰容易還又荼蘼
牡丹開徧妬恨踈狂那更柳花迎面鴻羽難憑芳信
短長安猶近歸期遠倚危樓但鎮日綉簾高捲

西江月中春

燕掠晴絲裊二魚吹水葉粼二禁街微雨洒芳塵寒
食清明相近○謾着宮羅試煖閑呼社酒酬春晚風
簾幕悄無人二十四番花訊

清平樂春悵

柳邊深院燕語明如剪消息無憑聽又懶隔斷画屏

雙扇○寶杯金縷紅牙醉菟幾度兒家何處一春游
蕩夢中猶恨楊花

烏夜啼離悵

柳色津頭泣綠桃花渡口啼紅一春又負西湖醉離
恨雨聲中○客袂迢二西塞餘寒剪二東風誰家拂
水飛來燕惆悵小樓空

烏夜啼西湖

漾暖紋波颭二吹晴絲雨濛二輕衫短帽西湖路花
氣撲春驄○鬪草褰衣濕翠秋千瞥眼飛紅日長不
放春醪困立盡海棠風

烏夜啼 秋別

段^二寒沙淺水蕭^二暮雨孤篷香羅不共征衫遠砧
杵客愁中○別恨慵看楊柳歸期暗數芙蓉碧梧聲
到紗窓曉昨夜幾秋風

謁金門 惜別

蘭棹舉相趁落紅飛去一隙輕簾凝睇處柳絲牽不
住○昨日翠蛾金縷今夜碧波煙渚好夢無憑窓又
雨天涯知幾許

謁金門 春思

閑院宇獨自行來行去花片無聲簾外雨峭寒生碧

樹○做弄清明時序料理春醒情緒憶得歸時停棹
處画橋看落絮

水龍吟 茶蘼

蕩紅流水無聲暮煙細草粘天遠低回倦蝶往來忙
燕芳期頓懶綠霧迷墻翠虬騰架雪明香煖笑依^二
欲挽春風教住還疑是相逢晚○不似梅粧瘦減占
人間半神蕭散攀條弄蘂天涯猶記曲闌小院老去
情懷酒邊風味有時重見對枕幃空想東窓舊夢帶
將離恨

水龍吟 淮西重午

會昌湖上扁舟幾年不醉西山路流光又是宮衣初
試安榴半吐千里江山滿川煙草薰風淮楚念離騷
恨遠獨醒人去闌干外誰懷古○亦有魚龍戲舞豔
晴川綺羅歌鼓鄉情節意樽前同是天涯羈旅漲綠
池塘翠陰庭院歸期無據問明年此夜一眉新月照
人何處

洞仙歌 茉莉

玉肌翠袖較似醺醺瘦幾度熏醒夜窓酒問炎州何
事得許清涼塵不到一段冰壺剪就○晚來庭戶悄
暗數流光細拾芳英黯回首念日暮江東偏爲覓銷
人易老幽韻清標似舊政筆紋如水帳如煙更柰向
月明露濃時候

鷓鴣天 春懷

纖指輕拈小砑紅自調宮羽按歌童寒餘芍藥欄邊
雨香落荼蘼架底風○閑意態小房櫳丁寗須滿玉
西東一春醉得鶯花老不似年時愁玉容

鷓鴣天 春暮

庭綠初圓結蔭濃香溝收拾樹梢紅池塘少歇鳴蛙
雨簾幕輕迴舞燕風○春又老笑誰同澹烟斜日小
樓東相思一曲臨風笛吹過雲山第幾重

摸魚兒 九日登姑蘇臺

恠西風曉來欹帽年華還是重九天機袞 二山新瘦
客子情懷誰剖微雨後更鴈帶邊寒裊 二欺羅袖慵
荷倦柳諠不似黃花田 二照眼風味仍如舊○登臨
地寂寞崇臺最久闌干幾度搔首翻雲覆雨無窮事
流水斜陽知否吟未就但衰草寒煙商略愁時候閑
愁浪有總輸與淵明東籬醉舞身世付杯酒

夜飛鵲慢別意

驕嘶破清曉分恨臨期花下恁月明知餘光是處散
離思最憐香靄霏 二牽衣搵彈淚問淒風愁露剗地

東西留鞭換佩怕匆 二已是遲 二 ○涼怯幾番羅
還燕別文梁螢點書幃一自秋娘迢遞黃金對酒每
恣輕揮新來院落鴈難尋簾幕長垂怕彫梧敲徑驚
回舊夢應也顰眉

漁家傲 壽白石

白石山中風景異先生日 二懷歸計何事黃岡飛雪
地偏着意画堂却爲東坡起○人說前身坡老是文
章氣節渾相似只待鼎彝勲業遂梅花外歸來長向
山中醉

木蘭花慢別西河兩詩僧

詩選卷八
嫩寒催客棹載酒去載詩歸
紅葉漫山清泉漱石
多少心期三生溪橋話別
悵薜蘿猶惹翠雲衣不似
今番醉夢帝城幾度斜暉
○鴻飛煙水渺回首處
只君知念吳江鷺憶孤山
鶴怨依舊東西高峰夢醒
雲起是瘦吟窓底憶君時
何日還尋後約為余先寄
梅枝

沁園春 雙溪狎鷗

幾葉凋楓半篙寒日傍橋繫船
愛洞門深鎖人間福地
雙溪分占天上星躔
破帽歌寒短鞭敲月
此地經行知幾年
空贏得似沈郎銷瘦
還欠詩篇○沙鷗伴

我愁眠向水驛風亭紅蓼邊
有村醪可飲且須同
溪魚堪鱠切莫論錢
笠澤波頭垂虹亭上
橙蟹肥時霜滿天
相隨否算江南江北
惟有君閑

菩薩蠻 春思

翠樓十二闌干曲
雨痕新染蒲萄綠
時節又黃昏
東風深閉門
○玉簫吹未徹
窓影梅花月無語
只低眉
閑拈雙荔枝

滿江紅 齊雲月酌

樓倚晴空炎雲淨
晚來風力滄海外
等閑吹上滿輪
寒壁河漢低垂天欲近
乾坤浩蕩秋無極
凭欄干衣

袂拂青冥知何夕○登眺地追疇昔吳越事皆陳迹
對清光祇有醉吟消得萬古悠二惟月在浮生來二
空頭白自騎鯨仙去有誰知遙相憶

名劉號梅亭

李公甫

賀新郎上趙侍郎生日

鵲立通明殿又重逢揆余初度夢庚華旦不學花奴
簪紅槿且看秋香宜晚任甲子從新更換天欲東都
修車馬故降神生甫維周翰歌崧嶽詠江漢○明堂
朝罷夷琛獻引星辰萬人共聽風塵長算清晝山東

諸將捷席捲黃河兩岸問誰在玉皇香案師保萬民
功業別向西京原廟行圭瓚定郊鄆卜瀍澗

中興以來絕妙詞選卷之八

中興以來絕妙詞選卷之九

宋詞

張宗瑞

名輯鄱陽人自號東澤有詞二卷名東澤綺語債朱湛盧為序稱其得詩法於

姜堯章世所傳歟乃集皆以為采石月下謫仙復作不知其又能詞也其詞皆以篇末之語而立新名云

疎簾淡月寓桂枝香秋思

梧桐雨細漸滴作去聲秋聲被風驚碎潤逼衣篝線
裏蕙鑪沈水悠二歲月天涯醉一分秋一分憔悴紫

張宗瑞

簫吟斷素戕恨切夜寒鴻起○又何苦淒涼客裏負
草堂春綠竹溪空翠落葉西風吹老幾番塵世從前
諳盡江湖味聽商歌歸興千里露侵宿酒踈簾淡月
照人無寐

貂裘換酒寓賀新郎乙未冬別馮可久

笛喚春風起向湖邊臘前折柳問君何意孤負梅花
立晴晝一舸淒涼雪底但小閣琴棋而已佳客清朝
留不住為康廬只在家窓裏湓浦去兩程耳○草堂
舊日談經地更從容南山北水庾樓重倚萬卷心曾
幾今古牛斗多年紫氣正江上風寒如此且趁霜天

鱸魚好把貂裘換酒長安市明夜去月千里

淮甸春寓念奴嬌丙申歲游高沙訪淮海事迹

短髯懷古更文遊臺上秋生吟興聞說坡仙來把酒
月底頻留清影極目平蕪孤城四水画角西風勁曲
欄猶在十分心事誰領○詞卷空落人間黃樓何處
回首愁深省斜照寒鴉知幾度夢想當年名勝只有
山川曾窺翰墨彷彿餘風韻舊遊休問柳花淮甸春
冷

如此江山寓齊天樂

西風揚子江頭路扁舟雨晴呼渡岸隔瓜洲津橫蒜

石搖盡波聲千古詩仙一去但對峙金焦斷磯青樹
欲下斜陽長淮渺 = 正愁予○中流笑與客語把貂
裘為浣半生塵土品水烹茶看碑憶鶴恍似舊曾遊
處聊憑陸譚問八極神遊肯重來否如此江山更蒼
煙白鷺

釣船笛 寓好事近

載酒岳陽樓秋入洞庭深碧極目水天無際正白蘋
風急○月明不見宿鷗驚醉把玉欄拍誰解百年心
事恰釣船橫笛

廣寒秋 寓鵲橋仙

杯行將半月來猶未瀟洒水亭無暑清宵數客一欄
秋對冰雪荷花似語○雄邊臺上文遊臺上咫尺紅
雲容與天風吹送廣寒秋正画舸湖光佳處

月當窓 寓霜天曉角

看朱成碧曾醉梅花側相遇匆 = 相別又爭似不相
識○南北千里隔幾時重見得最苦子規啼處一片
月當窓白

山漸青 寓長相思

山無情水無情楊柳飛花春雨晴征衫長短亭○擬
行 = 重行 = 吟到江南第幾程江南山漸青

碧雲深 寓憶秦娥

風淒 二 井欄絡緯驚秋啼驚秋啼涼侵好夢月正樓
西○卷簾望月知心誰閨河空隔 長相思 碧雲暮合
有美人兮

東仙 寓沁園春 馮可迂号予為東仙故賦

東澤先生誰說能詩興到偶然但平生心事落花啼
鳥多年盟好白石清泉家近宮亭眼中廬阜九疊屏
開雲錦邊出門去且掀髯大笑有釣魚船○一絲風
裏嬋娟愛月在滄浪上下天更叢書觀遍筆牀靜畫
蓬窓睡起茶竈踈煙黃鶴來遲丹砂成未何日風流

葛稚川人間世聽江湖詩友號我東仙

南浦月 寓點絳脣 賦瀟湘漁父

來剪萼絲江頭一陣鳴蓑雨孤蓬歸路吹得蘋風暮
○短髮蕭 二 笑與沙鷗語休歸去玉龍嘶處邀月過
南浦

沙頭雨 寓點絳脣

帶醉歸時月華猶在吹簫處曉愁情緒忘却匆 二 語
○客裏風霜詩鬢空如許江南去岸花迎艫遙隔沙
頭雨

花自落 寓調金門

春寂寞。簾底蕙爐煙薄。聽盡歸鴻書。怎託相思天一角。○象筆鴛牋閒却。秀句與誰商畧。睡起愁懷何處着。無風花自落。

垂楊碧寓謁金門

花半濕。睡起一窓晴色。千里江南真咫尺。醉中歸夢直。○前度蘭舟送客。雙鯉沉。消息樓外垂楊如此。碧問春來幾日。

欄千萬里心寓憶王孫

小樓柳色未春深。湘月牽情入苦吟。翠袖風前冷不禁。怕登臨。幾曲欄干萬里心。

杏梁燕寓解連環

小樓春淺記鉤簾。看雪袖粘芳片。侶不侶。柳絮因風更細。與品題。屢呵冰硯。宛轉吟情。縱真草鳳牋都徧。到燈前笑說酒後峭寒移盡。更箭。○而今柳陰滿院。却花空雪似。入隔春遠。歎萬事流水斜陽。謾贏得前詩。醉汗團扇脉脉。重來算。唯有画欄曾見。把千種舊愁。付與杏梁語燕。

比梅寓如夢令

深夜沉。尊酒醒。客衾寒透。城角挾霜飛。吹得月如清。畫傷憇。憇。比着梅花誰瘦。

月上瓜洲寓相見懽南徐多景樓作

江頭又見新秋幾多愁塞草連天何處是神州○英雄恨古今淚水東流唯有漁竿明月上瓜洲

月底修簫譜寓祝英臺近乙未之秋高郵朱

史君錢塘北閔舟中

客西湖聽夜雨更向別離處小船窓香雪照尊俎
斷腸一曲秋風行雲不語摠寫入征鴻無數○認眉
嬾喚醒岩壑風流丹砂有奇趣羞殺秦郎淮海謾千
古要看自作新詞雙鷺飛舞趁月底重修簫譜

一絲風寓訴衷情泊松江作

卧虹千尺界湖光冷浸月茫茫二當日三高何處漁唱
入淒涼○人世事縱軒裳夢黃梁有誰蓑笠一釣絲
風吹盡荷香

憶蘿月寓清平樂容盱江秋夜鼓琴思故山作

新涼窓戶間對琴言語彈到無人知得處兩袖五湖
煙雨○坐中斗轉參橫珠躔碎落瑤觥憶着故山蘿
月今宵應為誰明

宋謙父

名自遜號壺山南昌人文筆高絕當代
名流皆敬愛之其詞集名漁樵笛譜

驀山溪自述

壺山居士未老心先懶愛學道人家辦竹几蒲團茗
椀青山可買小結屋三間開一徑俯清溪脩竹栽教
滿○客來便請隨分家常飯若肯小留連更薄酒三
杯兩瓊吟詩度曲風月任招呼身外事不關心自有
天公管

沁園春 送戴石屏

歸去來兮田園將蕪云胡不歸既有詩千首如斯者
少行年七十從古來稀地闕東南天傾西北人事何
緣有足時江湖上轉不如前日步二危機○石屏自
有柴扉占海岸潮頭岸一磯喚綵衣孫子携壺挈榼
白頭翁媪舉按齊眉身外聲名世間夢幻萬事一
無是非書來往都不須長語直寫心期

賀新郎 題雪堂

喚起東坡老問雪堂幾番興廢斜陽衰草一月有錢
三十塊何苦抽身不早又底用北門搗藻儋耳蠻煙
添老色和陶詩翻被淵明惱到底是忘言好○周郎
英發人間少謾依然烏鵲南飛山高月小歲月堂
留不住此世何時是了算不滿英雄一笑我有豐淮
千斗酒把新愁舊恨都傾倒三弄笛楚天曉

賀新郎 七夕

靈鵲橋初就記迢迢重湖風浪去年時候歲月不留
人易老萬事茫茫宇宙但獨對西風搔首巧拙豈關
今夕事奈癡兒騃女流傳謬添話柄柳州柳○道人
識破灰心火只好風涼月佳時踈狂如舊休笑雙星
經歲別人到中年已後雲雨夢可曾常有雪藕調水
花熏茗正梧桐雨過新涼透且隨分一杯酒

滿江紅秋感

舉扇西風又十載重遊秋浦對舊日江山錯愕鬢絲
如許世事興亡空感慨男兒事業誰堪數被老天開
眼看人忙成今古○江上路喧鼙鼓山中地紛豺虎
謾乾坤許大着身何處名利等成狂夢寐文章亦且
閒言語賴雙投酒熟蟹螯肥忘羈旅

西江月

何敢笑人干祿自知無分彈冠只將貧賤博清閑留
取書遮老眼○世上風波任險門前路徑須寬心無
妄想夢魂安萬事鶴長鳧短

王子文

名楚號潛魚

西河

天下事問天怎忍如此陵圖誰把獻君王結愁未已

少豪氣槩總成塵。空餘白骨黃華。千古恨吾老矣。東遊曾吊淮水。綉春臺上。一迴登。一迴搵淚。醉歸撫劍倚西風。江濤猶壯人意。○只今袖手野色裏。望長淮猶二千里。縱有英心誰寄。近新來又報胡塵起。絕域張騫歸來未。

曹西士

名幽號東畎

西河 和王潛魚韻

今日事何人弄得如此漫。白骨蔽川原。恨何日已。閔河萬里寂無煙。月明空照蘆葦。○謾哀痛無及矣。

無情莫問江水西風落日慘。新亭幾人墮淚戰。和何者是良籌扶危。但看天意。○只今寂寞藪澤裏。豈無人高卧閭里。試問安危誰寄定。相將有詔催公起。須信前書言猶未。

李俊明

名昂英號文溪

摸魚兒 送王子文知太平州

怪朝來片紅初瘦。半分春事風雨。丹山碧水含離恨。有脚艷陽難駐。芳草渡。侶叫住。東君滿樹黃鸝語。無端杜宇報采石磯頭。驚濤屋大寒色。要春護。○陽關

唱画鷁徘徊東渚相逢知又何處摩挲老劍雄心在
對酒細評今古君此去幾萬里東南隻手擎天住長
生壽母更穩坐安輿三槐堂上好看綵衣舞

名以夫號虛空

趙用父

賀新郎

餞鄭金部去國

載酒陽關去正西湖連天煙草滿堤晴絮采翠擷芳
遊冶處應和嬌絃艷鼓看柳外画船無數萬頃琉璃
渾鏡淨陡風波洶魚龍舞談笑裏遠如許○流觴
滿引澆離緒便東西斜陽立馬綠波南浦自是蓴鱸

高興動恰聽春山杜宇謾回首軟紅香霧咫尺佳人
千里隔望空江明月橫洲渚清夢斷恨如縷

黃子魯

名師參號魯菴三山

人白石先生之子

沁園春 餞鄭金部去國

谷口高人偶泝明河近尺五天見紫霄宮闕空中突
兀玉皇姬侍雲裏蹁跹滴露研朱披肝作紙細寫靈
均孤憤篇排雲叫柰大鈞不管沙界三千○語高天
上驚傳早斥去人間伴謫仙念赤城丹籙香名空在
蓬萊弱水欲到無緣還倚枯槎飄然歸去回首清都

若箇邊家山好有一灣風月小二漁船

潘庭堅

名昉號紫岩乙未探
花以氣節聞于時

南鄉子 題南劍州妓館

生怕倚闌干閣下溪聲閣外山惟有舊時山共水依
然暮雨朝雲去不還○應是躡飛鷺月下時二整佩
環月又漸低霜又下更闌折得梅花獨自看

吳毅甫

名潛號履坐嘉定丁丑狀
元有履坐詩餘行于世

滿江紅 送李御帶珙

紅玉階前問何事翩然引去湖海上一汀鷗鷺半帆
煙雨報國無門空自怨濟時有策從誰吐過垂虹亭
下繫扁舟鱸堪煮○拚一醉留君住歌一曲送君路
遍江南江北欲歸何處世事悠二渾未了年光冉二
今如許試舉頭一笑問青天二無語

滿江紅 齊山綉春臺

十二年前曾上到綉春臺頂雙脚健不煩筇杖透岩
穿嶺老去漸消狂氣習重來依舊佳風景想牧之千
載尚神遊空山冷○山之下江流水江之外淮山暝
望中原何處虎狼猶梗勾蠡規模非淺近石符事業

詞選卷九
真俄頃問古今宇宙竟如何無人省

滿江紅 金陵烏衣園

柳帶榆錢又還過清明寒食天一笑滿園羅綺滿城
簫笛花樹得晴紅欲染遠山過雨青如滴問江南池
館有誰來江南客○烏衣巷今猶昔烏衣事今難覓
但年二燕子晚煙斜日抖擻一春塵土債悲涼萬古
英雄迹且芳樽隨分趁芳時休虛擲

水調歌頭 送吳叔永文昌

才惜季方去又更別元方驚心天上雙鳳接翅下高
岡萬里瞿塘煙浪一片昭亭雲月渺二正相望夜雨

連風壑此意獨淒涼○杜鵑聲猶不住撓離腸黃雞
白酒吾亦歸興動家鄉入事紛二難料世事悠二難
說何處問穹蒼肯落兒曹淚一笑付滄浪

賀新郎 送吳叔季侍郎

說着成淒楚正塵飛岷峨灑瀨兔嗥狐舞頗牧禁中
留不住彈壓征西幕府便一舸月汀煙渚四塞三閩
天樣險問何人自闢鼂鼂路成敗事幾今古○荼蘼
芍藥春將暮最無情飄零柳絮撓入離緒屈指秋風
吹鴈訊應憶西湖夜雨謾歲月消磨如許上下四方
男子志肯臨岐昵二兒曹語呼大白爲君舉

賀新郎 吳中韓氏滄浪亭和吳夢窓韻

撲盡征衫氣小夷猶樽罍杖屨踏開花事解后山翁
行樂處何似烏衣舊里歎荒草舞臺歌地百歲光陰
如夢斷算古今興廢都如此何用洒兒曹淚○江南
自有漁樵隊想家山猿愁鶴怨問人歸未寄語寒梅
休放盡留取三花兩葉待老子領些春意皎○風流
心自許休何妨瘦影橫斜水煩翠羽伴醒醉

賀新郎 用趙用父左司韻送鄭宗丞

又是春殘去倚東風寒雲淡日墮紅飄絮燕社鴻秋
人不問休管吳笙越鼓但短髮星○無數萬事惟消

彭澤醉也何妨袖卷長沙舞身與世只如許○闌干
拍手閑情緒便明朝蒼煙白鷺北山南浦笑指牛橋
畔路簾幕深○院宇尚趁得柳煙花霧我亦故山
猿鶴怨問何時歸棹雙谿渚歌一曲恨千縷

賀新郎 寄趙南仲

煙樹瓜洲岸望旌旗獵○遙空故人天遠不似沙鷗
飛得渡直到彫鞍側畔但徙倚危闌目斷自古鍾情
須我輩况人間萬事思量遍濤似雪風如箭○揚州
十里珠簾捲想桃根桃葉依稀舊家庭院誰把青紅
吹到眼知有醉翁局段便回首舟移帆轉渺○江波

詞選卷九
愁未了正淮山日暮雲撩亂閣酒盞倚歌扇

賀新郎 春感

笑口開能幾把年二芳情冶思總拋閑裏桃杏枝頭
春才半寒食清明又是但歲月飈飛川逝回首秦樓
雙燕語到如今目斷斜陽外將往事試重記○香羅
尚有相思淚笑人生新愁易積舊歡難繼水上流紅
無覓處還隔閑山萬里但贏得新來憔悴昨夜東風
顛狂後想餘芳盡是飄零底詞寫就倩誰寄

滿庭芳 春感

漠二春陰疎二春雨鶉鳩喚起春眠小園人靜獨自

倚秋千又見飄紅墮雪芳徑裏是花鈿筆
愁閑悶挂在綠楊邊○尋思都遍了功名竹帛富貴
貂蟬但身為利鎖心被名牽爭似依山傍水數椽外
二頃良田無縈絆炊粳釀秫長是好花天

醉江月 梅花

曉來窗外正南枝初放兩花三藥千古春風頭上立
羞退穠桃繁李姑射神遊壽陽粧褪色界塵都洗竹
扉松戶平生所寄聊耳○堪笑強說和羹此君心事
指高山流水隴驛淒涼却怕被哀角城頭吹起此處
閑情為它凝佇淡月清霜裏巡簷何事歲寒相誓而

已

醉江月 暇日登新樓望揚州於雲烟縹緲之間

寄趙南仲端明

半空樓閣把江山圖畫一時收拾白鳥孤飛盡處
最好暮天秋碧萬里西風百年人事謾倚闌干拍凝
眸何許揚州煙樹歷二○應念老子年來浮名浮利
已作虛空擲三徑才尋歸活計又是飄零為客回首
平生驚心雙鬢容易成悽惻尊前一笑且由醉帽歌
側

聲二慢和吳夢窓賦梅

挨晴按暖載酒呼朋夷猶東圃西園綠萼枝頭兩三
初破輕寒平生自甘寂寞占冷妝不為人妍林逋去
問影疎香暗誰賦其間○空想故山奇事正煙橫嶺
曲月浸溪灣杏錯桃訛那時青子都圓惟饒夢窓知
處對翠禽依約神仙休引角怕征人淚落塞邊

王實之

名邁號臞軒莆陽人
丁丑第四人及第

賀新郎 呈劉後村時自桂林被召到莆又遭煩言

出了羅浮洞有多情梅花雪片殷勤相送見說儵然
琴鶴外詩壓牛腰較重又管甚羣兒嘲弄嶺海三年

吳毅甫

詞選卷九

七

持翠節料無時不作家山夢馳玉勒婦金鳳金鳳池
 乃所居也○一門朱紫環昆仲看堦庭森二蘭玉慈
 顏歡動宰相時來湏著做且舞萊衣侍奉却不信大
 才難用時事多艱人物少便中興誰辨浯溪頌更大
 夏要梁棟

賀新郎 為後村母夫人壽

瓔珞珠垂縷看花冠端容麗服補陀岩主只坐塵緣
 蹉一念朱紫叢中得度人世福夫人兼五銀鹿諸孫
 來定省對金屏綉幕輝雲母人頂禮柳行路所居地
 名柳行○朝二口誦琅函句竟從來壽仁福善老天

無誤消得天恩封福國錦誥寫翔鳳舞聽來歲日邊
 佳語上殿肩輿簾感綉遣佳兒扶掖天應許笑陳媼
 三題柱有陳夫人者題閩帥廳柱云嘗侍父從夫及
 就養三至此解

賀新郎 送趙伯泳侍郎守溫陵

憶昔同時召正青山親提玉尺量材廊廡當日班行
 比元祐北玉西珠照耀一轉首宮商移調君自烏臺
 登騎省亮精神風采增清峭數賢者一不肖○酒酣
 耳熱惟長嘯便翻二輟班荷橐一麾聞嶠堪笑狂生
 無用處垂老雲耕月釣這富貴非由人要疇昔評君

如玉雪好儵然琴鶴風塵表清獻後又有趙

賀新郎 丁未守邵武宴同官

此是河清宴竟朝來薰風滿入生綃團扇太守愁眉
才一展且喜街頭米賤也莫管官租難辦遶砌苔錢
無限數更蓮池雨過珠零亂休買得凌波面○家山
樂事真堪羨記年時荔支新熟荷筒齊勸底事來尋
蕉鹿夢贏得乾忙似箭笑富貴都如郵傳做了豐年
還百姓便尊鱸歸興催張翰看卿等上霄漢

摸魚兒

閩漕王幼學作碧灣丹嶂堂歌此詞以墨本見寄依韻和之

昔元城一生清峭南都高卧堅壁留耕便是元城樣
何肯枉吾尋尺曾直筆說社稷安危屢叩龍墀額明
時逐客却惠顧丹山來持翠節對此一灣碧○澄清
暇無柰登臨有癖梅山時訪仙迹神仙偏喜公心事
一見莞然前席閑不得有先見著龜消得君王憶天
闈不隔要濟險孤舟支傾一柱公外向誰覓

沁園春 迎方右史德潤

首尾四年臺省好官都做一回便前頭更有合當做
底何妨且恁猛省歸來甲第新成開尊行樂脆管繁
絃十二釵回頭笑這狂生無用削盡官階○狂生真

箇狂放潑性氣年來全未灰有龍鱗鳳翼不能攀附
牛衣漁具早已安排爛煮園蔬熟煨山芋白髮蒼顏
窮秀才官休做莫狂無處着送去瓊崖

念奴嬌

熙春臺宴同官

層臺雲外閱古今多少興衰成敗老木千章若箇是
南國甘棠遺愛羣籟號風繁陰蔽日有此清涼界賓
朋在坐朗然心目明快○更向會景亭前登高吊古
此景何人會歲二春來春又去獨有靈臺春在早稻
炊香晚禾搖穗管取三登黍釀成春酒把杯行樂須
再

方千里

三衢人盡和美成詞

過秦樓

春思

柳洒鵝黃草揉螺黛院落雨痕才斷蜂鬚霧濕燕嘴
泥融陌上細風頻扇多少艷景關心長苦春光疾如
飛箭對東風忍負西園清賞翠深香遠○空暗憶醉
走銅駝閑敲金鞵倦跡素衣塵染因花瘦菴爲酒情
鍾綠鬢幾番催變何況逢迎向人眉黛供愁嬌波回
倩料相思此際濃似飛紅萬點

風流子

憶別

詞選卷九
河梁携手別臨岐語共約踏青歸自雙燕再來斷無
音信海棠開了還又參差料此際笑隨花便面醉騁
錦鄣泥不憶故園粉愁香怨忍教華屋綠慘紅悲○
萬家歌舞地生疎久塵暗鳳縷羅衣何限可伶心事
難訴歡期但兩點愁蛾才開重歛幾行清淚欲制還
垂爭表爲郎憔悴相見方知

訴衷情 旅思

一鈞新月淡於霜楊柳漸分行征塵厭堆襟袂雞唱
促晨裝○淮水闊楚山長暗悲傷重陽天氣盃酒黃
花還寄他鄉

劉靜甫

名清夫居麻沙

念奴嬌 武夷詠梅

亂山深處見寒梅一朵皎然如雪的皜妍姿羞半吐
斜映小窓幽絕玉染香腮酥凝冷艷容態天然別故
人雖遠對花誰肯輕折○疑是姑射神仙幔亭宴罷
迤邐停瑤節愛此溪山供秀潤飽翫洞天風月萬石
叢中百花頭上誰與爭高潔簾桃俗李不須連夜催

發

沁園春 詠劉篁嶸碧蓮時內子將誕

劉靜甫

詞選卷九

七

詞選卷十
淺碧芙蓉素艷亭。前身阿嬌記湘濱。露冷酥容倍
潔華。清水滑酒暈全消。瑤剪豐肌雲翻碎萼。白羽鮮
明時自搖風流處。是古香幽韻時度。鮮飈。瓊枝壁
月清標對。千朵婵娟傾翠。歎况水晶臺榭低迷淨綠
冰霜詞調。隱約輕撓細認金房鍾竒孕秀。已覓青衫
橫素腰。西風晚看花開十丈玉井非遙。

金菊對芙蓉沙邑宰縮琴妓用舊韻戲之

淺拂春山慢橫秋水玉纖閑理絲桐按清泠繁露淡
竚悲風素絃瑤軫調新韻顫翠翹金簇芙蓉疊蠲重
鎖輕挑慢摘特地情濃。泛商刻羽無窮似和鳴鸞

鳳律應雌雄問高山流水此意誰同箇中只許知音
聽有茂陵車馬雍容畫簾人靜琴心三疊時倒金鍾

水調歌頭

殘臘捲愁去春至莫閑愁榮枯會有成說無處着機
謀身世石中敲火富貴草頭垂露何用苦貪求三尺
布衣劍千載赤松遊。憶親朋方外角撚白頭羊腸
世路蟻嶮莫且休。選甚范侯高爵遮莫陶公鉅
產爭似五湖舟萬事付蝸角止坎謾乘流

玉樓春

柳梢綠小眉如印乍暖還寒猶未定惜花長是爲花

詞選卷九
愁殢酒却嫌添酒病○蠅頭蝸角都休競萬古豪華
同一盡東君曉夜促歸期三十六番花遞信

中興以來絕妙詞選卷之九

中興以來絕妙詞選卷之十

宋詞

劉圻父

名子寰號篁嶸翁居麻沙早登朱文
公之門劉後村嘗序其詩行于世

齊天樂 壽史滄洲

雅歌堂下新堤路柳外行人相語碧藕開花金桃結
子三見使君初度樓臺北渚似画出西湖水雲深處
綵鷁雙飛水亭開宴近重午○溪蒲堪薦綠醕幔亭
何惜為曾孫留住碧水吟哦滄洲夢想未放舟橫野
渡維申及甫正夾輔中興擎天作柱願祝嵩高歲添

長命縷

花發沁園春 呈史滄洲

換譜伊涼選歌燕趙一番樂事重起花新笑靨柳軟
纖腰濟楚衆芳圍裏年二佳會長是傍清明天氣正
魏紫衣染天香蜀粧紅破春睡○一簇猩羅鳳翠遍
東園西城點檢芳事鈴坐吏散畫館人稀幾闋管絃
清脆人生適意流轉共風光遊戲到遇景取次成歡
恣教良夜休醉

玉樓春題小竿嶺

今來古往吳京道歲二榮枯原上草行人幾度到江

濱不覓身隨風樹老○蒲花易晚蘆花早客裏光陰
如過鳥一般垂柳短長亭去路不如歸路好

沁園春 西岩三澗

雲壑泉泓小者如盃大者如罌更石筵平瑩寬容數
客淙流回激環遶飛觥三澗交流兩岸懸瀑擣雪飛
霜落翠屏經行處有丹萸碧草古木蒼藤○裴回却
倚山楹笑山水娛人若有情見傍回側轉峰峦疊二
欲窮還有岩谷層二仰視雲間茅茨雞犬疑有仙家
來避秦青林表望煙霞縹緲隱二鷲筵

賀新郎登玉田峯

拄杖凌高絕望千山隱。波瀾動搖天末下有白雲
平遠壑湧起潮頭噴雪浸絕島孤峯出沒赤縣神州
何處是但風煙杳。迷空闊呼不見古人物。碧松
枝下青瑤石舉頭看長空湛。淡琉璃色上界星辰
多官府夸父忙鞭日月任兔走烏飛超忽宇宙茫。
如許大百年間何用爭優劣身世事一毛髮

滿江紅 風泉峽觀泉

雲壑飛泉蒲根下懸流陸續堪愛處石池湛。一方
寒玉暑際直當磐石坐渴來自引懸歌掬聽冷。清
響瀉淙琤勝絲竹。寒照膽消炎燠清徹骨無塵俗
笑幽人忻翫滯留空谷靜坐時看松鼠飲醉眠不礙
山禽浴喚仙人伴我酌瓊瑤餐秋菊

霜天曉角 春愁

橫陰漠。似覓羅衣薄。正是海棠時候。紗窗外東風
惡。惜春。寂寞尋花。冷落不會這些情味。元不
是念離索。

洞仙歌 寄劉令君潛夫

風饜雨足也解為花地收拾浮雲放新霽愛調亭小
翠點滴猩紅新粧了妃子朝來睡起。遙知春有主
整頓歡娛興在新亭錦圍底便選歌燕趙授簡鄒枚

須記作它日城山盛事笑東君不用管楊花任飛去
天涯在東風裏

吳君特

名文英自號夢窓四明人從吳履坐諸
公遊山陰其煥叙其詞畧曰求詞於吾

宋者前有清真後有夢窓此非煥之言四海之

公言也

○聲二慢閏重九飲郭園

檀栾金碧婀娜蓬萊游雲不蘸芳洲露柳霜蓮十分
點綴殘秋新弯画眉未穩似含羞低度牆頭愁送遠
駐西臺車馬共惜臨流○知道池亭多宴掩庭花長

是驚落秦謳膩粉闌干猶聞凭袖香留輸他翠漣拍
甃瞰新粧終日凝眸簾半捲帶黃花人在小樓

倦尋芳錢周糾定夫

暮帆挂兩水岸飛梅春思零亂送客將歸偏是故宮
離苑醉酒曾同凉月舞尋芳還隔紅塵面去難留悵
夫容路窄綠楊天遠○便繫馬鶯邊清曉煙草晴花
沙潤香軟爛錦年華誰念故人遊倦寒食相思隄上
路行雲應在孤山畔寄新吟莫空回五湖春鴈

絳都春為清華內子壽

香深霧暖正人在錦瑟年華深院舊日漢宮分得紅

蘭滋吳苑臨池羞落梅花片弄水月初勻妝面紫煙
籠處雙鷺共跨洞簫低按○歌筵紅圍翠袖凍雲外
似覓東風先轉繡畔晝遲花底天寬春無限仙郎驕
馬瓊林宴待捲上珠簾教看更傳鶯入新年寶釵夢
燕

唐多令 惜別

何處合成愁離人心上秋縱芭蕉不雨也颼二都道
晚涼天氣好有明月怕登樓○年事夢中休花空煙
水流燕辭歸客尚淹留垂柳不縈裙帶住謾長是繫
行舟

法曲獻仙音 和丁宏庵韻

落葉霞翻敗窓風咽暮色淒涼深院瘦不閉秋淚緣
生別情銷鬢霜千點悵翠冷搔頭燕那能語恩怨○
紫簫遠記桃枝向隨春渡愁未洗鉛水又將恨染粉
縞澁離箱忍重拈燈夜裁剪望極藍橋絲雲飛羅扇
歌斷料鶯籠玉鑠夢裏隔花時見

好事近 秋飲

鴈外雨絲 將恨和愁都織玉骨西風添瘦減尊前
歌力○袖香曾枕醉紅腮依約唾痕碧花下凌波入
夢引春雛雙鸚

憶舊遊 別黃澹翁

送人猶未苦 送春隨人去 天涯片紅都飛盡 陰
潤綠暗裏啼鴉賦情頓雪雙鬢飛夢逐塵沙 歎病渴
淒涼分香瘦減兩地看花 西湖斷橋路想繫馬垂
楊依舊歌斜葵麥迷煙處問離巢孤燕飛過誰家故
人為寫深怨空壁掃秋蛇但醉上吳臺殘陽草色歸
思賒

宴清都

病渴文園久梨花月夢殘春故人舊愁彈枕雨衰翻
帽雪為情儂倦千金醉躍驕驄試問取朱橋翠柳痛
恨不買斷斜陽西湖醞入春酒 吳宮亂水斜煙留
連倦客慵更回首幽蛩韻苦哀鴻叫絕斷音難偶題
紅汎葉零亂想夜冷江楓暗瘦付與誰一半悲秋行
雲在否

金縷歌 陪履齋先生滄浪看梅

喬木生雲氣訪中興英雄陳迹暗追前事戰艦東風
慳借便夢斷神州故里旋小築吳宮閑地華表月明
歸夜鶴歎當時花竹今如此枝上露濺清淚 遨頭
小簇行春隊步蒼苔尋幽別塢看梅開未重唱梅邊
新度曲催發寒梢凍藥此心與東君同意後不如今

今非昔兩無言相對滄浪水懷此恨寄殘醉

陳敬叟

名以莊號月溪建安人

水龍吟記錢塘之恨

晚來江闊潮平越船吳榜催人去稽山滴翠胥濤濺
恨一襟離緒訪柳章臺問桃仙浦物華如故向秋娘
渡口秦娘橋畔依稀是相逢處○窈窕青門紫曲簷
羅新衣翻金縷舊音恍記輕攏慢撚哀絃危柱金屋
難成阿嬌已遠不堪春暮聽一聲杜宇紅殷綠老雨
花風絮

賀新郎和劉潛夫韻

曉夢鶯呼起便安排詩家厨傳酒家行李點檢花邊
新雨露春在萬家生齒道官似錦溪清駛但使有人
耕綠野正不妨鼓吹頻來此方覓句且夷俟○画橋
西畔多春意記年二曾來幾度落花流水行到水窮
雲起處依約輞川竹里興未屬王孫公子料想明年
端門裏有傳柑宴罷黃封醉肯回首萬杉底

馮熙之

名取洽號双溪翁延平人

摸魚兒和玉林韻蓋為遺蛻山中桃花作

歎劉郎船回輕別霏_二三落紅兩玄都觀裏應遺恨
一抹淡煙殘縷愁望處想霧暗雲深忘却來時路新
花舊主記刻羽流商裁紅剪翠山徑日將暮○空枝
上時有幽禽對語聲_二如問來否人生行樂須聞健
衰老念誰免此吾所與在谿上深_二錦綉千花塢何
時定去但對酒思君呼兒爲我頻唱小桃句

賀新郎送別江定軒

夢折營門柳送君歸整戲斑衣又攏征袖到得皇州
風景異只有湖山似舊把感慨寓之杯酒雨抹晴粧
西子樣且平章剩賦詩千首富與貴本來有○青油
幕底籌攻守擁貔貅朝氣凌雲夜鋒衝斗蜀稜淮氛
猶在眼一掃政須健帚又何惜驅馳奔走快展鞞鈴
資世用看歸來金印懸雙肘傾玉筆爲親壽

沁園春中和節日爲黃玉林壽

稟氣之中具聖之和生逢令辰算三春中月方纔破
二百年大齊_{去聲}恰則平分立玉林深散花菴小中
有脩然自在身詩何似_二蘇州間遠庾府清新○青
鞵布鞵烏巾試勇往蓉谿一問津有心香一瓣心聲
一闕更携阿艾同壽靈椿劫_二長存生_二不息靈極
深根秋又春聊添我作去聲風流二老歲_二尋盟

西江月 太歲日作

老子齊頭六十新年第一今朝放開懷抱不須焦萬
事付之一笑○煙柳效顰翠斂露桃獻笑紅妖已拚
行樂到元宵尚可追隨年少

蝶戀花 和玉林韻

秋到雙溪 上樹葉 涼聲未省來何許盡拓溪樓
窓與戶倚欄清夜窺河鼓○那得吟朋同此住獨對秋
芳欲寄花無處杖屨相從曾有語未來先自愁君去

馮偉壽

名艾子號雲月又溪子
精於律呂詞多自製腔

玉連環 憶李謫仙

謫仙往矣問當年飲中儔侶于今誰在歎沈香醉夢
胡塵日月流浪錦袍宮帶高吟三峽動舞劍九州隘
玉皇歸覲半空遺下詩囊酒珮○雲月仰挹清芬攬
虬鬚尚友千載晉宋頽波羲黃春夢罇前一嘅待相
將共躡龍肩鯨背海山何處五雲變

春風裊娜春恨 黃鍾羽

被梁間雙燕話盡春愁朝粉謝午花柔倚紅欄故與
蝶圍蜂遶柳綿無數飛上搔頭鳳管聲圓蚕房香煖
笑挽羅衫湏少留隔院蘭馨趁風遠鄰墻桃影伴煙

詞選卷十
九
收○些子風情未減眉頭眼尾萬千事欲說還休
蔞
薇露牡丹球殷勤記省前度綢繆夢裏飛紅
竟來無
覓望中新綠別後空稠相思難偶歎無情明月今年
已是三度如鈎

春雲怨 上巳 黃鍾商

春風惡劣把數枝香錦和鶯吹折兩重柳腰嬌困燕
子欲扶二不淨軟日烘烟乾風收霧芍藥荼蘼弄顏
色簾幕輕陰圖書清潤日永篆香絕○盈二笑靨宮
黃額試紅鸞小扇丁香雙結團鳳眉心情郎貼教洗
金罍共看西堂醉花新月曲水成空儼人何處往事

暮雲萬葉

雲僊引 桂花 夾鍾羽

紫鳳臺高紅鸞鏡裏翻二幾度秋馨黃金重綠雲輕
丹砂鬢邊滴粟翠葉玲瓏烟剪成含笑出簾月香滿
袖天霧縈身○年時花下逢迎有遊女翩二如五雲
亂擲芳英爲簪斜朶事二関心長向金風一枝在手
嗅藥悲歌雙黛嚔遠臨溪樹對初弦月露下更深

眼兒媚 春情

自嚔雙黛聽啼鴉簾外翠烟斜社前風雨已歸燕子
未入人家○鞋兒試着無人看莫是忒寬些想它樓

上閩拈簫管憔悴鶯花

木蘭花慢和荅玉林韻

酒醒人世換碧桃靚海山春任青鳥沈二紫鱗香二
有玉林人宮袍掉頭未愛二荷衣不染市朝塵仙樣
蓬萊翰墨雲間寫鳳精神○笑呼銀漢入金鯨瓊苑
自由身羨咳唾成章香薰花霧音和韶鈞六丁夜來
捧去便天人也自歎尖新那得金牋飛洒浩歌飛步
蒼旻

李耘叟

名芸子號芳洲昭武人石屏序其
詞最稱賞予懷渺二以下數語

木蘭花慢秋意

占西風早處一番雨一番秋記故國斜陽去年今日
落葉林幽悲歌幾回激烈寄疎狂酒令與詩籌遺恨
清商易改多情紫燕難留○嗟休觸緒蠻絲抽舊事
續何由柰予懷渺二羈愁鬱二歸夢悠二生平不如
老杜便如它飄泊也風流寄語庭柯徑菊甚時得棹
孤舟

連可久

名久道江湖得道之士也十二歲已能
作詩其父携見熊曲肱適有漁父過前

令賦漁父詞曲肱贈以詩且謂此子富貴中自

不住後果為羽衣多往來西山

清平樂 漁父

陣鴻驚處一網沉江渚落葉亂風和細雨撥棹不如
歸去○蘆花輕汎微瀾蓬窓獨自清閑一竟遊仙好
夢任它竹冷松寒

洪叔與

名璠自號空同詞客

月華清 春夜對月

花影搖春虫聲吟暮九霄雲幕初捲誰駕冰蟾擁出
桂輪天半素魄映青瑣窓前皓彩散画闌干畔凝眸

見金波晃漾分輝鵲殿○况是風柔夜暖正燕子新
來海棠微綻不似秋光只照離人腸斷恨無奈利鎖
名韁誰為喚舞裙歌扇吟玩怕銅壺催曉玉繩低轉
水龍吟 追和晁次膺

經年不見書來後期杳○從誰問梅英蠟小柳枝金
嫩艷陽春近羅幕風柔泛紅浮綠連朝花信念平生
多少情條恨葉鎮長使芳心困○可是風流薄命鏡
臺前鬆○蟬鬢茜桃疑粉薰蘭漲膩翠愁紅損縱使
歸來灯前月下恐難相認卷重簾憔悴殘粧淚洗把
羅襟搵

驀山溪 憶中都

潮平風穩行色催津鼓回首望重城但滿眼紅雲紫
霧分香解佩空記小樓東銀燭暗綉簾垂昵 二 凭肩
語○関山千里垂柳河橋路燕子又歸來但惹得滿
身花雨彩箋不寄蘭夢更無憑灯影下月明中魂斷
金釵股

齊天樂 閨思

輶轡聲破銀床凍霜寒又侵鴛被皓月踈鍾悲風斷
漏驚起画樓人睡銀屏十二歎塵滿絲簧暗消金翠
可恨風流故人迢迢隔千里○相思情緒最苦舊歡

無續處 魂夢空費 斷鴈無情 離鴛有恨 空想吳山 越
水花焦玉悴 但翠黛愁橫 紅鉛淚洗 待剪江梅倩人
傳此意

菩薩蠻 宿水口

斷虹遠飲橫江水萬山紫翠斜陽裏繫馬短亭西丹
楓明酒旗○浮生長客路事逐孤鴻去又是月黃昏
寒灯人閉門

菩薩蠻 湖上

吳姬壓酒浮紅蟻少年未飲心先醉駐馬綠楊陰酒
樓三月春○相看成一笑遺恨知多少回首欲魂銷

長橋連斷橋

踏莎行 別意

滿二金盃垂二玉筋離歌不放行人去醉中扶上木
蘭船醒來忘却桃源路○帶綰同心釵分一股斷魂
空草高唐賦秋山萬疊水雲深茫二無着相思處

瑞鶴仙 離筵代意

聽梅花吹動涼夜何其明星有爛相看淚如霰問而
今去也何時會面匆二聚散恐便作秋鴻社燕最傷
情夜來枕上斷雲零雨何限○因念人生萬事回首
悲涼都成夢幻芳心繾綣空惆悵巫陽館况船頭一
轉三千餘里隱二高城不見恨無情春水連天片帆
似箭

浪淘沙 別意

花霧漲冥二欲雨還晴薄羅衫子正宜春無奈今宵
鴛帳裏身是行人○別酒不須斟難洗離情絲鞘如
電紫騮鳴腸斷画橋芳草路月曉風清

南柯子 新月

柳浪搖晴沼荷風度晚簷碧天如水印新蟾一罇清
光斜露玉纖二○宝鏡微開匣金鈎半押簾西樓今
夜有人快應傍粧臺低照画眉尖

永遇樂 送春

歌雪徘徊夢雲溶曳欲勸春住薄倖楊花無端杜宇
抵死催教去參差烟岫千回百匝不解禁春歸路病
厭二那堪更聽小樓一夜風雨○金釵鬪草玉盤行
菜往事了無憑據合數松兒分香帕子揔是牽情處
小桃朱戶題詩在否尚憶去年崔護綠陰中鶯二燕
也應解語

謁金門 春晚

風共雨催盡亂紅飛絮百計留春二不住杜鵑聲更
苦○細柳官河狹路幾被嬋娟相誤空憶墜鞭遺扇

虞碧窓眉語度

菩薩蠻 春感

玉琴不療文園病對花長抱深二恨二入鬢霜邊才
情輸少年○蛾眉梳墮馬翠袖薰蘭麝醉夢未全醒
綠窓啼曉鶯

阮郎歸 壬辰邵武試燈夕

東風吹破藻池冰晴光開五雲綠情紅意兩逢迎扶
春來遠林○花艷二玉英二羅衣金縷明鬧蛾兒簇
小蜻蜓相呼看試燈

行香子 代贈

楚二精神楊柳腰身是風流天上飛瓊凌波微步羅
襪生塵有許多嬌許多韻許多情○十年心事兩字
眉婚問何時真箇行雲秋衾半冷窓月窺人想為人
愁為人瘦為人顰

鷓鴣天 情景

意態婵娟画不如瑩然初日照芙蓉笑捐瓊佩遺交
甫肯把文梭擲幼輿○花上蝶水中鳧芳心密意兩
相於情知不作庭前柳到得秋來日二疎

黃叔暘

名夏號玉林又號花庵

賀新郎題双溪馮煦之交游風月之樓

倦整摩天翼笑歸來點画亭臺按行泉石落二元龍
湖海氣更着高樓百尺收攬盡水光山色曾駕颿車
蟾宮去幾回批借月支風敕斯二者慣相識○玲瓏
窓戶青紅濕夜深時寒光爽氣洗清肝馬似此交游
真洒落判與升堂入室有萬象來為賓客不用笙歌
輕點澆看仙翁手搦虹霓筆吟思遠兩峯碧樓對兩
峯甚奇

賀新郎乙巳正月十日双溪携酒遺蛻亭桃花

方開主人浩歌酌客歡甚即席作此

風送行春步漸行。山回路轉入雲深處。問訊花梢
春幾許。半在詩人杖履點。是祥烟膏露。中有瑤池
千歲種。整嚴粧來作。巢仙侶。相妩媚。試凝竚。○風流
座上揮談麈。更多情。多才多調。緩歌金縷。趁取芳時
同宴賞。莫惜清樽緩舉。有明月隨人歸去。從此一春
須一到。願東君長與花為主。泉共石聞斯語。

賀新郎菊

莫恨黃花瘦。正千林風霜搖落。暮秋時候。晚節相看
元不惡。米。東籬獨秀。試攬結幽香盈手。幾劫修來
方得到。與淵明千載為知舊。同冷淡。比蘭友。○紫桑
心事君知否。把人間功名富貴付之塵垢。不肯折腰
營口腹。一笑歸欵五柳。悵此意而今安有。若得風流
如此老也。何妨相對無杯酒。詩自可了重九。

賀新郎梅

自掃梅花下。問梢頭冷蘂疎。幾時開也。問者闕焉
今夕矣。多少幽懷欲寫。有誰是孤山流亞。香月一聯
真絕唱。與詩入千載為嘉話。餘興味付來者。○清癯
不恋華亭榭。待與君白髮相親。竹籬茅舍。喜甚今年
無酒禁溜。小槽壓蔗。已準擬雪天霜夜。自醉自吟
仍自笑。任解冠落珮。從嘲罵。書此意寄同社。

木蘭花慢題馮雲月玉連環詞後

自沈香夢斷風雨外失餘春悵袍錦淋漓金盞論奏
四海無人蛾眉古來見妬柰昭陽飛燕亦成塵惟有
空梁落月至今能為傳神○神遊八表跨長鯨誰是
再來身愛雲月溪頭玉環一曲筆力千鈞人間不堪
着眼但香名百世尚如新乞我九霞蜚珮梯空共上
秋旻

木蘭花慢乙巳病中

問潘郎兩鬢更禁得幾番秋悵病骨臞幽懷渺
短髮颺雲邊一聲長笛這風情都屬趙家樓歌枕

困尋藥裹熏衣慵訊香篝○悠老矣復焉求何止
賦三休念少日書癡中年酒病晚歲詩愁已攀桂花
作證便從今把筆一齊勾只有烟霞痼疾相陪風月
交游

木蘭花慢懷舊

問春不語謾新綠滿芳洲記歷前遊看花南陌
命酒西樓東風翠紅圍繞把功名一笑付糟丘醉裏
了忘身世吟邊自負風流○風流莫復休白髮
漸盈頭悵十載重來畧無歡意惟有閑愁多情向人
似舊但小桃婀娜柳纖柔望斷殘霞落日水天拍

飛鷗

南柯子 丁酉清明

天上傳新火人間試袂衣定巢新燕覓香泥不爲綉
簾朱戶說相思○側帽吹飛絮憑欄送落暉粉痕銷
淡錦書稀怕見山南山北子規啼

南柯子 丙申重九

蘭佩秋風冷茱囊曉露新多情多感怯芳辰強折黃
花來照碧鱗○落帽參軍醉空樽靖節貧世間那
復有斯人目送歸鴻西去一傷神

行香子 梅

寒意方濃暖信才通是晴陽暗拆花封冰霜作骨玉
雪爲容看躰清癯香淡竚影朦朧○孤城小驛斷角
殘鍾又無邊散與春風芳心一點幽恨千重任雪霏

雲漠 二月溶

賣花聲 己亥三月一日

鶯蝶太匆 惱殺衰翁牡丹開盡狀元紅俯仰之間
增感槩花事成空○垂柳綠陰中粉絮濛 多情多
病轉踈慵不是東風孤負我 負東風

賣花聲 憶舊

秋色滿層霄剪 寒飈一襟殘照兩無聊數盡歸鴉

黃叔暘

詞選卷一

七

詞選卷十
人不見落木蕭蕭。○往事欲覓消夢想風標春江綠
漲水平橋側帽停鞭沽酒處柳軟鶯嬌

○長相思 秋懷

天悠二水悠二月印金樞曉未收笛聲入倚樓○蘆
花秋蓼花秋催得吳霜點鬢稠香箋莫寄愁

長相思 秋夜

砧聲齊杵聲齊金井欄邊敗葉飛夜寒烏不棲 風
淒二露淒二影轉梧桐月已西花冠窗外啼

長相思 春晚

惜春歸愛春歸脫了羅衣著苧衣綠陰黃鳥啼○酒

醒時夢醒時清簟踈簾一局碁丁東風馬兒

感皇恩 送饒溪臺游浙

騎鶴上揚州腰纏十萬拈起詩入舊公案看山看水
此去勝遊須徧煩君收拾取歸吟卷○少日風流暮
年蕭散佳處何妨小留款沙河塘上落日綉簾爭捲
也須拂拭起看花眼

蝶恋花 春感

百計留春二不住褪粉吹香日二催教去心事欲憑
鶯語訴流鶯剗地無憑據○綠玉闌干圍綺戶一點
柔紅應在深二處想倚翠簾吹柳絮淺顰惆悵芳期

誤

月照梨花 閨怨

晝景方永重簾花影好夢猶酣鶯聲喚醒門外風絮
交飛送春歸○脩蛾画了無人問幾多別恨淚洗殘
粧粉不知郎馬何處烟草萋迷鷓鴣啼

摸魚兒 為遺蛻山中桃花作寄馮雲月

問山中小爽開後曾經多少晴雨遙知載酒花邊去
唱我舊歌金縷行樂處正蝶繞蜂圍錦綉迷無路風
光有主想倚杖西阡停杯北望○斷碧雲暮○花知
道應倩蜚鴻寄語年來老子安否一春一到成虛約

不道樹猶如此煩說與但歲○東風粧點紅雲塢劉
郎老去待有日重來同君一笑拈起看花句

水龍吟 贈丁南隣

少年有志封侯弯弓欲挂扶桑外一朝歛縮蕭然清
興了無拘礙袖裏陰符枕中鴻寶功名蟬蛻看舌端
霹靂劇談玄妙人間世疑無對○閨苑醉鄉佳處想
當年綠陰猶在羣仙寄語不須點勘鬼神功罪碧海
千尋赤城萬丈風高浪快待踞龜食蛤相期汗漫與
烟霞會

西河 已亥秋作

天似洗殘秋未有寒意何人短笛弄西風數聲壯偉
倚欄感槩展雙眸離_二烟樹如薺○少年事成夢裏
客愁付與流水筆牀茶具老空山未妨肆志世間富
貴要時賢深居宜有餘味○大江東去日西墜想悠
_二千古興廢此地閱人多矣且揮絃_二興氛埃之外
目送蜚鴻歸天際

清平樂宮怨

珠簾寂_二愁背銀缸泣記得少年初選入三十六宮
第一○當時掌上承恩而今冷落長門又是羊車過
也月明花落黃昏

清平樂宮詞

深_二禁籞霽日明鷲羽風動槐龍交翠舞恰_二花陰
亭午○一簾暖絮悠颺金爐旋炷沈香天子方看諫
疏內人休闔新粧

醉江月戲題玉林

玉林何有_二一灣蓮沼數間茅宇斷塹踈籬聊補葺
那得粉牆朱戶禾黍秋風雞豚曉日活脫田家趣客
來茶罷自挑野菜同煮○多少甲第連雲十眉環座
人醉黃金塢回首邯鄲春夢破零落珠歌翠舞得似
衰翁蕭然陋巷長作溪山主紫芝可採更尋岩谷深

處

醉江月夜涼

西風解事。為人間洗盡。三庚煩暑。一枕新涼。宜客夢
飛入藕花深處。冰雪襟懷。琉璃世界。夜氣清如許。畫
然長嘯。起來秋滿庭戶。○應笑楚客才高。蘭成愁悴。
遺恨傳千古。作賦吟詩。空自好不直。一杯秋露。淡月
闌干。微雲河漢。耿耿。○天催曙。此情誰會。梧桐葉上。踈
雨。

浣沙溪 醮壇

鍾磬玲_二夜未央。梨花庭院月如霜。步虛聲裏拜瑤

章。紫極清都雲渺_二紅塵濁。世事茫茫_二未知誰有
返魂香。

鷓鴣天 暮春

沈水香銷夢半醒。斜陽恰照竹間亭。戲臨小草書團
扇。自揀殘花插淨瓶。○鶯宛轉。燕丁寧。晴波不動晚
山青。玉人只怨春歸去。不道槐雲綠滿庭。

鷓鴣天 張園作

雨過芙蕖葉_二涼摩挲短髮照橫塘。一行歸鷺拖秋
色。幾樹鳴蟬。餞夕陽。○花側畔。柳旁相微雲澹月。又
昏黃。風流不在談鋒。勝袖手無言。味最長。

秦樓月 秋夕

心如結西風老盡黃花節黃花節寒鴻聲斷冷烟淒
月○漢朝陵廟唐宮闕興衰萬變從誰說從誰說千
年青史幾人華髮

重疊金 壬寅立秋

西風半夜驚羅扇蛩聲入夢傳幽怨碧藕試初涼露
痕啼粉香○清水凝簾竹不許雙鴛宿又是五更鍾
鴉啼金井桐

重疊金 冬

南山未解松梢雪西山已挂梅梢月說侶玉林入

間無此清○此身元是客小住娛今夕拍手凭闌干
霜風吹鬢寒

重疊金 除日立春

銀惜綵勝參差剪東風吹上釵頭燕一笑繞花身小
桃先報春○新春今日是明日新年至擘蘭莫探官
人間行路難

謁金門 初春

花事淺方費化工勻染墻角紅梅開未遍小桃才數
點○人在暮寒庭院閑續茶經香傳酒思如水詩思
懶雨聲簾不捲

南鄉子 夏夜

多病帶圍寬未到衰年已解歡夢破小樓風馬響珊
二缺月無情轉画欄○涼入衾單起探灯花夜欲
闌書冊滿床空伴睡慵觀拈得漁樵笛譜看

南鄉子 夜景

萬籟寂無声衾鐵稜二近五更香断灯昏吟未穩淒
清只有霜華伴月明○應是夜寒凝惱得梅花睡不
成我念梅花二念我関情起看清冰滿玉餅

花發沁園春 芍藥會上

曉燕傳情午鶯喧夢起來檢校芳事茶蘼褪雪楊柳
吹綿迤邐麥秋天氣翻階傍砌看芍藥新粧嬌媚正
鳳紫勻染綃裳猩紅輕透羅袂○晝暖朱闌困倚是
天姿妖嬈不減姚魏隨蜂惹粉趁蝶棲香引動少年
情味花濃酒美人正在翠紅圍裏問誰是第一風流
折花簪向雲髻

阮郎歸 倣姜堯章躰

粉香吹暖透单衣金泥雙鳳飛閑來花下立多時春
風酒醒遲○桃葉曲柳枝詞芳心空自知湘臯月冷
佩聲微鴈歸人不歸

鵲橋仙

黃叔暘

同是長一

五

青林雨歇珠簾風細入在綠陰庭院夜來能有幾多
寒已瘦了梨花一半○宝釵無據玉琴難托合造一
襟幽怨雲窓霧閣事茫茫試與問杏梁雙燕

玉林此編亦姑据家藏文集之所有朋游聞見之所傳詞之妙者固不止此嗣有所得當續刊之若其序次亦隨得本之先後非固為之高下也其間體制不同無非英妙傑特之作觀者其詳之

中興以來絕妙詞選卷之十

萬曆二年七月既望
龍丘桐源舒氏伯明
新雕梁溪寓舍印行

